



Ўзбекистон касаба уюшмалари Федерацияси нашри • Газета 1991 йил 21 мартдан чиқа бошлаган • www.ishonch.uz • e-mail: ishonch1991@yandex.uz

## СЎЛИМ ВОДИЙ БАҒРИДА МАРОҚЛИ ҲОРДИҚ

**ЎЗБЕКИСТОН КАСАБА УЮШМАЛАРИ ФЕДЕРАЦИЯСИ ТАШАББУСИ БИЛАН  
ҚОРАҚАЛПОҒИСТОНЛИК БОЛАЛАР АНДИЖОН ВИЛОЯТИДАГИ «ШАББОДА ШИФО ФАЙЗ»  
ОРОМҒОҲИДА ЁЗГИ ТАЪТИЛНИ ЎТКАЗМОҚДА**



Андижон вилояти



### Ташаббус

Кегейли ҳамда Нукус туманларидан ташриф буюрган 200 нафар ўқувчи Андижон темир йўл вокзалида касаба уюшма фаоллари, давлат ва жамоат ташкилотлари вакиллари ҳамда водийлик тенгдош дўстлари томонидан тантанали равишда кутиб олинди.

Болалар иштирокида дастлаб Заҳириддин Муҳаммад Бобур ҳайкали пойига гул қўйилди. Сўнг оромгоҳга йўл олинди.

Мазкур дам олиш маскани Балиқчи туманининг Чинобод қишлоғида – Қорадарё ҳамда Катта Андижон канали ораллиғида жойлашган. Табиийки, шаҳарнинг шовқин-суронидан ҳоли, сердароҳт маскан ўзининг сокинлиги, мўътадил ҳавоси билан болалар кайфиятини кўтариши, бир умр ёддан чиқмайдиган ёрқин хотиралар қолдириши шубҳасиз.

Оромгоҳда мавсум бошланганидан буён спорт, мусиқа, рақс, раҳсончилик ҳамда чет тили тўғрақлари фаолият кўрсатмоқда. Кутубхонада болалар адабиётига оид беш юздан зиёд китоблар жамлангани ҳамда замонавий компьютерлар ишлаб турибди. Тажрибали тарбиячилар, Ёшлар иттифоқи фаоллари томонидан баскетбол, волейбол, футбол, теннис, шахмат-шашка мусобақалари, ақлни чархловчи интерфаол машғулотлар, ижодкор меҳмонлар иштирокида эса учрашув ва давра суҳбатлари, бадий чикишлар ташкил этилиши кўзда тутилган. Қолаверса, вилоятнинг диққатга сазовор ҳамда тарихий масканларига саёҳатлар уюштириш ҳам назарда тутилганки, бу ўқувчиларнинг тасаввур ва дунёқарашларини кенгайтиришга хизмат қилади.

– Болаларнинг кайфиятини кўриб, биз ҳам жуда қувондик, – дейди Ўзбекистон касаба уюшмалари Федерацияси Андижон вилояти кенгаши Маданий-маърифий ишлар бўлими мудирини Қодиржон Ризаев. – Таътилнинг завқли ва ҳар жиҳатдан фойдали ўтиши учун дастурни ўғил-қизларнинг билими ва маънавиятини оширишга хизмат қиладиган фойдали машғулотлар билан бойитишга ҳаракат қилдик. Ўйлаймизки, мароқли ҳордиқ янги ўқув йили олдида фарзандларимизга ўзгача шижоат, куч-қувват бағишлайди.

Нурилло НЎМОНОВ,  
«ISHONCH»

Пойтахтимизда ШХТ аъзо давлатлар қишлоқ хўжалиги вазирларининг VII йиғилиши бўлиб ўтди.



Тошкент шаҳрида 25-26 июль кунлари «Афғонистон: хавфсизлик ва иқтисодий тараққиёт» халқаро конференцияси бўлиб ўтади.



Самарқанд давлат тиббиёт университетида COVID-19 пандемияси даврида халқимиз саломатлиги йўлида жонини фидо қилган тиббиёт ходимлари шарафига мемориал мажмуа очилди.



Бухоро шаҳрида IT хабнинг тантанали очилиш маросими бўлиб ўтди. IT хаб «PRO UNITY» МЧЖ томонидан Инновацион ривожланиш вазирлиги молиялаштирган «IT ва анимацион билим ҳамда дастурий таъминот яратишни ўқитиш ва иш билан таъминлаш тизимини ишлаб чиқиш» лойиҳаси доирасида ташкил этилган.



Наманган шаҳрининг Давлатобод туманидаги «Афсоналар водийси» тематик паркида спортнинг кўл жанги тури бўйича профессионаллар ўртасида Ўзбекистон Республикаси Президенти кубоги учун «Чемпионлар лигаси» халқаро турнири бўлиб ўтди.



Навоий вилояти Зарафшон шаҳрида замонавий кўринишга эга адлия бўлимининг янги биноси фойдаланишга топширилди.

Интернет хабарлари асосида тайёрланди

### Сирдарё вилояти

#### Ҳуқуқ

Республика ихтисослаштирилган кўз микрохирургия илмий-амалий маркази Сирдарё вилояти ҳудудий филиалининг 25 нафар ходимига кечки вақтда ишлагани учун қўшимча пул маблағлари тўланмай келинган.

**Кечки вақт учун нега ҳақ тўланмаган?**



Ушбу ҳолат Соғлиқни сақлаш ходимлари касаба уюшмаси Сирдарё вилояти кенгаши режасига мувофиқ ўрганиш ўтказилганида маълум бўлди. Аниқланган камчиликни бартараф этиш юзасидан иш берувчи номига кўрсатма хати киритилди. Қонуний ҳақлар ундирилиб, 25 нафар ходимга жами 5 миллион 308 минг 635 сўм миқдоридagi пул маблағлари жорий йилнинг январь ойдан ўрганиш кунига қадар қайта ҳисоб-китоб қилиниб, тўлаб берилди.

Шунингдек, филиалда қонунда аниқ этган иш ҳақиға қўшимча тўлов тўланмагани аниқланди. Вазирлар Маҳкамасининг 2019 йил 6 сентябрдаги «Меҳнат бозоридида меҳнат муносабатларини тартибга солишга доир қўшимча чора-тадбирлар тўғрисида»ги 743-сонли қарорининг 4-илоҳасига асосан айрим тоифадаги ходимлар меҳнатига ҳақ тўлаш бўйича разрядлар 2019 йил январда оширилиши белгиланган бўлса-да, шифохона томонидан мазкур талаб бажарилмай келинган. Тушунтиришдан тўғри хулоса чиқарилиб, 3 нафар ходимга жами 5 миллион 473 минг 115 сўм миқдоридagi пул маблағи тўлаб берилди. Мазкур турдаги қўшимча маблағлар ходимларга доимий равишда тўлаб борилиши йўлга қўйилди.

Абдурахим АЛБЕКОВ,  
Соғлиқни сақлаш ходимлари касаба уюшмаси  
Республика кенгашининг Сирдарё вилояти бўйича  
меҳнат ҳуқуқ инспектори

### Хоразм вилояти

#### Хушxabар

## Баракалла, ШОҲЖАҲОН!

Шу кунларда қўшқўпирликларнинг кайфияти аъло. Негаки, туманнинг ўн етти яшар ўғлини дзюдо бўйича Осиё чемпиони бўлди.



Шоҳжаҳон Отабоев «Иттифоқ» маҳалласида 2005 йилда туғилган. Отаси Файрат Олломов фермер хўжалиғида ишчи. Онаси Гўзалой Нурметова уй бекаси.

Шоҳжаҳон саккиз ёшидан БУСМнинг кураш бўлимига қатнаган. Унга Саъдулла Худойкулов мураббийлик қилиб, кураш сирларини пухта ўргатди. Қисқа фурсатда Шоҳжаҳон туман, вилоят мусобақаларида ғолибликни қўлга киритди. 2018 йилда Урганч ихтисослашган олимпия захиралари мактаб-интернатининг дзюдо бўлимига ўқишга қабул қилинди. Бу ерда мураббий Оллошукур Собировдан дзюдо сирларини ўрганиб, яхши натижаларга эриша бошлади. У

дзюдо бўйича 2 марта Ўзбекистон чемпиони бўлди. 2021 йилдан буён эса Ўзбекистон терма жамоа аъзоси.

Жорий йилнинг 17-19 июль кунлари Таиланднинг Бангкок шаҳрида ёшлар ўртасида дзюдо бўйича Осиё чемпионати бўлиб ўтди. Ушбу нуфузли мусобақада Шоҳжаҳон Отабоев 66 кг. вазн тоифасида Ватанимиз шарафини муносиб ҳимоя қилиб, Осиё чемпиони бўлди.

Шубҳасиз, бу ютуқ чекка қишлоқларда ҳам спортни ривожлантиришга, ёшларни қўллаб-қувватлашга қаратилган эътибор ва ғамхўрлик самарасидир.

Турсунной САТТОРОВА,  
Қўшқўпир тумани спортни  
ривожлантириш бўлими  
бошлиғи

### Фарғона вилояти

#### «Аёллар дафтари»ни варақлаганда...



## 33 ОИЛА ОРЗУСИ

ҚУВА ТУМАНИДА «АЁЛЛАР ДАФТАРИ»НИНГ УЧИНЧИ  
БОСҚИЧИДА ҚАЙД ЭТИЛГАН 33 НАФАР ХОТИН-ҚИЗГА  
ТИКУВ МАШИНАЛАРИ ТОПШИРИЛДИ

Хонадонма-хонадон ўрганишлар давомида туманнинг «Намуна» маҳалласида яшовчи Шоҳиста Эркабоева кўлидан унча-мунча тикиш-бичиш келишини айтганди. Кўп ўтмай, мушулки осон бўлди.

– Ишсизликдан ёмони йўқ экан, – дейди Шоҳиста Эркабоева. – Уйда ўтириб, анча қийналиб қолдим. Ўрганиш пайтида тикув машинаси бўлса, ўзимни ўзим банд қилиш ниятида эканимни билдирдим. Мана, менга тикув машинасини беришди. Энди кўрпа-тўшак, дастурхон, чойшаблар тикиб, рўзгоримни бут қиламан.

Туманнинг «Туркравот» маҳалласида яшовчи Мадина Тўрақулова ҳам ишчи гуруҳ билан мулоқотда ҳеч қандай ишламаслигини, лекин онасидан тикишни ўрганиганини айтганди. Унинг ҳам орзуси ушалди.

– Ўрганишлардан кейин «Аёллар

дафтари»га рўйхатга олиндим, – дейди Мадина Тўрақулова. – Ишчи гуруҳ вакиллари мендан қандай ёрдам кераклигини сўрашди. Ёшлигимда тикувчиликни ўрганганим, лекин кўлини юпқалик қилиб, тикув машинаси олишга имкониятним йўқлигини айтдим. Энди бекор юрмай, тикувчилик қилиб, рўзгорга даромад олиб қираман.

Шу кун ишсизлиги боис рўйхатга киритилган «Яшнобод» маҳалласида яшовчи Хўриқо Мўйдинова, «Тинчлик» маҳалласида яшовчи Зилола Курбоноваларга тикув машиналари топширилди.


Айни пайтда «Аёллар дафтари»нинг 6 та тоифаси бўйича рўйхатга олинган хотин-қизларга ҳар томонлама ёрдам бериш ишлари давом этмоқда.

Жамшид ЭРГАШЕВ,  
«ISHONCH»


### Келгуси сонларда ўқинг...



**Одатми ё иллат?**



**Қалбларга  
муҳрланаётган  
таътил**



**ДЯВІДО,  
БОЛАТИҚ  
ёхуд болаларни  
жиноятга  
кимлар  
ётакламоқда?**



Ёзги соғломлаштириш



Навоий вилояти

Айни вақтда Навоий вилоятида кундузги ва стационар тартибда болажонлар учун 18 та маскан фаолият олиб бормоқда. Уларда қирққа яқин шифокор ҳамда санитария-эпидемиология маркази ходимлари дам олаётган ўғил-қизларнинг саломатлигини доимий назорат қилиб боришмоқда. Шу кунларда барча оромгоҳларда учинчи навбат давом этмоқда.

## Болажонларнинг севимли маскани

Шунингдек, болаларнинг ижодий салоҳиятини ошириш, уларни эркин фикрлашга ўргатиш ва китоб мутолаасига қизиқтиришга ҳам катта эътибор қаратилмоқда. Энг муҳими, оромгоҳга бир марта келиб, дам олган ўсмирлар қалбида оилага, ота-онага ва Ватанга нисбатан чексиз ҳурмат-эътибор шаклланимоқда.

Қисқача айтганда, Ўзбекистон касаба уюшмалари Федерациясининг Навоий вилояти кенгаши ҳамда вилоят, туман (шаҳар) ҳокимликлари томонидан бу йил оромгоҳларни мавсумга тайёрлаш борадида қўллаб-қувватлаш амалга оширилди, натижада вилоятдаги барча оромгоҳлар болажонларнинг севимли масканига айланди.

Нормурод МУСОМОВ, «ISHONCH»



## ТАЪТИЛ МЎЪЖИЗАЛАРИ

Жорий мавсумда «Ўзбекнефтьгаз» акциядорлик жамияти тасарруфидаги болалар соғломлаштириш оромгоҳларида 10 минг нафарга яқин ўғил-қизни соғломлаштириш режалаштирилган бўлиб, айни пайтда тўртинчи навбат қизғин давом этаётир.

Муборак нефть ва газ қазиб чиқариш бошқармасига қарашли «Ёш алангачи», Муборак газни қайта ишлаш заводининг «Ниҳол», Шўртан нефть ва газ қазиб чиқариш бошқармаси тасарруфидаги «Беруний», Шўртангаз кимё мажмуасининг «Лочин», Бухоро нефтни қайта ишлаш заводига қарашли «Нефтич» болалар соғломлаштириш оромгоҳларига «Ўзбекнефтьгаз» АЖ бирлашган касаба уюшма қўмитаси томонидан 500 донага

яқин китоблар жамланмиси олиб берилди. Бундан ташқари, дам олиш масканларининг спорт базасини янада бойитиш, болажонлар ўртасида жисмоний тарбия ва спортни янада оммалаштириш, соғлом турмуш тарзини тарғиб этиш учун оромгоҳларнинг ҳар бирига 17 турдаги спорт жиҳозлари тақдим этилди.

Жамшид САМАДОВ, «Ўзбекнефтьгаз» АЖ бирлашган касаба уюшма қўмитаси мутахассиси



Меъёр

## Қандай йўл тутган маъқул?

Ўзбекистон Республикаси ҳудудда юқори ҳароратли об-ҳаво шароитлари кузатилаётгани сабабли ходимлар ва иш берувчилар томонидан белгиланган тартибдаги микроклимат бўйича санитария-гигиена қоидаларига амал қилган ҳолда меҳнат фаолиятлари амалга оширишларини таъминлаш мақсадида Ўзбекистон касаба уюшмалари Федерацияси томонидан «Юқори ҳароратли об-ҳаво шароитларида корхоналарда ишлаётган ходимлар ва иш берувчилар учун ишлаш тартиби ва тавсиялар» ишлаб чиқилиб, жойларга етказилди.

Мазкур тартиб ва тавсияларда таъкидланганидек, корхоналарда йилнинг иссиқ даврида ишлаб чиқариш хоналари, цехлар, бўлимлар ва бошқа ёпиқ ҳудудларда микроклиматнинг меъёрлари СанҚваМ 0324-16 талаблари асосида бўлиши лозим. Меҳнат кодексининг 211-моддаси ҳамда «Меҳнатни муҳофаза қилиш тўғрисидаги» қонуннинг 23-моддасига мувофиқ, барча корхоналарда хавфсизлик ва гигиена талабларига жавоб берадиган меҳнат шароитлари яратилган бўлиши керак. Бундай шароитларни яратиш берувчининг мажбуриятига кирadi.

Ўзбекистон касаба уюшмалари Федерацияси Матбуот хизмати

## Сурхондарё вилояти Таклиф


### ҲАР БИР ЎЗГАРТИРИШ ТАРАҚҚИЁТГА ХИЗМАТ ҚИЛСИН!

Конституция ҳар қандай суверен давлатнинг Бош қомуси сифатида ўша мамлакат фуқароларининг инсоний ҳақ-ҳуқуқларини қатъий белгилаб беради. Ундаги барча моддалар мазмун-моҳиятига кўра, муайян ҳудудда яшовчи турли миллат ва элатлар ўртасидаги ижтимоий, сиёсий ва ҳуқуқий мувозанатни сақлаб туради. Жумладан, амалдаги Конституциямизга биноан, юртимизнинг ҳар бир фуқаросида миллати, дини ва ирқидан қатъий назар, билим олиш, меҳнат қилиш, сайлаш ва сайланиш ҳуқуқи бор. Сирасини айтганда, ҳар бир ўзбекистонлик шахс дахлдор деб билган инсон жамиятдаги ижтимоий-сиёсий жараёнларда истаган шаклда қатнашиши мумкин.

Айни кезларда Конституцияга ўзгартириш ва қўшимчалар киритиш масаласи кенг жамоатчилик томонидан муҳокама этилиб, кўплаб таклиф ва тавсиялар билдирилмоқда. Албатта, бу борада менинг ҳам ўз айтишларим бор. Меҳнат кодексининг 219-моддасига мувофиқ ходим иш жараёнида ўзининг ҳаёти ёки соғлиғига таҳдид солувчи ҳолатлар юзага келиб қолгани тўғрисида иш берувчига дарҳол хабар қилиши, меҳнатни муҳофаза қилиш қоидаларига риоя этилишини текшириб бориш ва назорат қилиш билан шуғулланувчи органлар ана шу ҳолатларни тасдиқлаш тақдирда, иш берувчи бу ҳолатларни бар-тараф этиш чораларини кўриши лозим.

Об-ҳаво ҳарорати даражаси юқори бўлган вақтларда Ўзбекистон фуқароларига бериладиган тавсиялар куйидагича: – тўғридан-тўғри куёш нурларидан сақланиш, кўпроқ сояда бўлиш; – имкон қадар кўчада камроқ юриш; – ёрқин рангли, энгил, табиий матолардан тикланган кийим кийиш; – иссиқдан ҳимояланиш учун, айниқса, ёши 55 дан юқори бўлган одамлар учун бу жуда зарур, бош кийим ёки соябош билан юриш; – жисмоний фаолиятни камайтириш; – автомашинани бошқариш вақтини қисқартириш; – кўпроқ сув, илик чой ёки газланмаган минерал сув ичиш; – спиртли (алкоголь) ичимликлар ва тамаки маҳсулотларини истеъмол қилмаслик ва бошқалар.

Умид ҚОРАЕВ, Ёшлар ишлари агентлигининг Қизилбоғ тумани кенгаши мутахассиси



## Яратганнинг инояти, яхши инсонлар мадади билан

Не-не орзу-ҳаваслар билан турмушга узатган тўнғич қизим оғир дардга чалинди. Шифо истаб, бош урмаган эшигимиз, йўл олмаган манзилимиз қолмади. Аммо пешонасига қисқа умр битилган экан, бағримиздан юлқиниб чиқиб кетди. Ҳасрат ўтида куйиб адо бўлдим – соғлиғимдан айрилдим. Мени ҳам дард қийнай бошлади. Шифокорлар юрак хасталигига йўлиққанганимни, шошилчин жарроҳлик амалиёти ўтказилмаса, оқибати фожиали яқун топишини айтишди.



Тутдек тўқилган рўзгоримизга менинг дардим ортиқчалик қилди. Даволанишга на бир ортиқча маблағ бор, на мол-ҳол... Ўғлим ҳали ёш, устачилик билан аранг рўзгор тебратаетган турмуш ўртоғимга гоҳида иш бор, гоҳида йўқ. Хуллас, кўнглимга чироқ ёқса, ёришмайди. Охир-оқибат, азов-уқубатларга ортиқ бардошим етмади – тақдирга тан бердим. Битта боламдан айрилганим етмагандек, наҳотки, ёлғиз ўғлимнинг ҳам тўйини кўролмасам, келиним қўлидан бир пиёла чой ичиш на-сиб этмаса?.. Ўз ёғимга ўзим қоврилиб юрган кунларимнинг бирида эшигимиз тақилди... Улар турмуши оғир, ёрдамга муҳтож аёлларни рўйхатга олиб юрган мутасаддилар экан. Бошида уларни унча хушламадим. Қисматнинг сўнги фармоишини кўтиб ётган одамга бари бекор-да... Истар-истамас ҳолатимни айтдим.

Орадан ҳеч қанча вақт ўтмай, Жомбой тумани табиёт бирлашмаси ходимлари келишди. Билдимки, юрагимда жарроҳлик амалиёти ўтказиш учун маблағ ажратилди. Ниҳоят, Самарқанд вилояти шифохонасида мураккаб жарроҳлик амалиёти ўтказилди. Дунё кўзимга бошқача кўрина бошлади. Буни фақат бошидан ўтказганларгина чуқур ҳис эта олади. Яратганнинг инояти, яхши инсонларнинг кўмаги билан ҳаётга қайтдим.

Соадат САТТОРОВА, Жомбой тумани, «Навбахор» маҳалласи



## Қаддимиз ҳам қадримиз ҳам юксалди

Тенгқурларим сингари ўйнаб-кулиб, чопқиллаб юролмадим... Махсус мактаб-интернатда ўқидим. Бу ерда хунар ҳам ўргандим. Кейин мактаб қошидаги тикувчилик цехига ишга кирдим. Шу ерда тенгимни топиб, турмушга чиқдим. Бахтга қарши умр йўлдошим ҳам II гуруҳ ногирони эди... Эмин-эркин юролмайдим.

Рўзгор юки ожиз жуссамизни эгиб қўйса-да, таслим бўлмадик. Ҳаёт учун курашдик. Аммо ҳеч қачон қисматдан нолимадик. Ҳатто энг оғир дамларда ҳам бировнинг оstonасига бош уриб бормадик. Ишдан бўш вақтлари уйда тикувчилик билан шуғулландим. Эпла тикувчиман – маҳалла-қўй, қўни-қўшнидан тез-тез буржумта тушиб турса-да, машина эски бўлгани учун бу ишларнинг уддасидан чиқолмас эдим. Болалар ризқидан қийиб, янгисини сотиб олишга эса хоҳиш бору, имкон йўқ эди. Президентнинг ташаббуси билан ҳаётга татбиқ қилинган «Аёллар дафтари» туйфули мушқулим ариб, бир эмас, олтига янги тикув машинаси бўлдим. Бундан ташқари, оилавий тадбиркорликни йўлга қўйиш учун ҳам молиявий кўмак берилди. Айни пайтда хонадонимизда мўъжазгина тикув цехи очганимиз. Олти нафар аёлни доимий иш билан таъминладик. Яна ўн нафарига касб сир-асрорларидан сабоқ берапман. Махсулотларимиз харидордир. Насиб қилса, иш ўринларини янада кўпайтириш ниятидамыз.

Гулчеҳра НАСРИДДИНОВА, Фурқат тумани, «Қўқонбой» маҳалласи



